



穀原詩集卷之三上

濮陽蘇

長安鄧振錄西
著

五言律詩

丁丑元日

萬國會清都鷄人傍晚呼羽旗行自列玉珮散相扶
斗裏朝正使星前輯瑞圖嚴更樓上夜銀箭幾銅壺

聞笛

千里辭鄉縣三年祗敝裘還將聞笛興併作倚欄愁
燕薊胡雲暮關山漢月秋風前楊柳樹葉滿御溝流

初夏

朱鳥翼高張南風入 帝鄉我來殊未已春去不同
行白日搖松塢青雲蔭草堂正懷揮扇在慙負漢黃
香

舟上東倪鎮卿

短劍秋江上孤舟野日西浮雲連樹沒遠水接天低
人語喧歸渡漁梁斷浦蹊蕭蕭一白鷺不共衆鳥啼

客夜

客夜不成寐虛窓流月明關河鬱鄉思砧杵亂秋聲

歸夢三更斷羈愁千里生音書空付鴈詎悉未歸情

九日

落木驚風候淹留感歲華陰雲連紫塞清淚對黃花
八駿周京馬孤蓬漢使槎高臺予嬾上不爲苦思家

立春日

隔歲改新陽愁添幾線長寒雲虛自散春水遠相將
柳淺宮煙杳梅疎苑雪芳敝袍欣可拂計日理牙樁

戊寅元日

萬里王正月千官漢侍臣履端空鼓角行在尚風塵

烽火新通代，鑾輿近向秦。已聞催羯鼓，冬半勅迎春。

春雪

春雪拂春臺，東風入暮開。向人輕點拂，背水杳飛來。
坐掩梨花院，吟慙柳絮才。青皇不自主，黃鳥謾多哀。

還鄉

共結還鄉伴，春深花柳明。官橋齊度馬，野樹正啼鶯。
日與貂裘換，風隨寶劍輕。無端更回首，轉憶鳳凰城。

夏夜

靈彩西山下，庭空暑氣收。雲移明月動，河向碧天流。

螢火憐低度，珠光忌暗投。三年書劍客，浪作帝京

遊

送舍弟遊太學

雨雪暗吳鉤，蕭蕭千里遊。抱琴須卒業，投筆豈封侯。
臨水一相送，看雲香獨愁。填鵠還待汝，早返木蘭舟。

贈陳平沙

陳子幽棲處，沙平萬畝餘。窓雲閒任捲，堦草茂休除。
不履羊腸險，常看鳥跡書。乘春有清興，吾欲命巾車。

阻風二首

解纜纜三里愁眠復此宵
檣燈虛日照劍客香難招
偃息便春病奔騰送海潮
風旌暮不定偏傍戒心搖

二

逆浪誰能那聊歌道路難
水深春草短野曠暮雲寒
鴻鵠憐高起蛟龍恐未安
南風頻莫歎江上有回鑿

舟行

夜識舟師語帆檣戒早行
乘除元有數來往各含情
飛度亭臺影靜聞風雨聲
透遲懷伏枕超越紀南征

清明

驛路逢寒食風花晴可憐
淹留寧記日虛薄阻朝天
楊柳連煙裊桃花近火然
父兄應我念何處度流年

舟中對酒同吳運甫

杳杳滄瀛夜開尊對暮春
燈前誰共語天畔尔相親
月影清依客鍾聲遠傍人
屈伸應未定雙淚肯沾襟

中秋舟中對月

天地秋飛鏡嫦娥夜捲簾
詎知江海上却助淚痕添
圓擬河兼湧高應露竝沾
玉毫瞻白兔短髮迥同纖

草堂即事

射策苦途巡歸來祗病身人誰如鮑叔子媿似蘇秦
道在寧爲病年衰轉爲親一區楊子宅猶似去年春

贈琴士

寒日攜琴至殷勤何太頻曲中變流徵座上有陽春
更喜通書遠兼憐抱藝貧子期千載後誰是賞音人

送高廉卿

春去意紛紛關河此送君橫經臨璧水鼓瑟向燕雲
柳綠鶯聲喚山青馬首分交遊多鳳舉好與細論文

登第後作

走馬東風陌春遊處處通看花臨上苑錫宴到南宮
千里泥金信三回辨玉功夔龍吾有託稱報矢心同

二

五夜趨宮禁鈎陳儼帝傍金闈憐晚入華蓋鬱相

望觀轉窺鳩鵲池臨上鳳皇願言期獻納端穆侍今

王

三

十載青燈客朝登白玉京千金非駿骨三策濫鴻名
眼見交遊重身緣感激輕它時麟閣畫元是一書生

大興隆寺避雨二首

寶地晴遊遍衝泥到竹林龕燈珠盞正花木石堂
明電搖清梵重雲接暝陰微涼如可託願証不塵心

二

殿外雲吞竦城頭雨帶煙相期成避暑一笑似逃禪
砌草青堪采池蓮淨可憐陶潛元愛酒納履繡迹前
南城遊覽歸途有作

玉殿清暉麗金鋪夕照微光風泛池藻香氣襲人衣
宛轉那能記徘徊未忍歸仙槎天畔石重覩舊支機

曉入左掖候旨

象魏麗中天彤庭肅窈然斗邊雲路永水上日花圓
瑣闥春常在宮官意可憐天書初拜捧直過御橋
前

過泗州

徐泗望徘徊清淮楚郡開山迴陵自抱雲合駕曾來
追王崇周典登歌陋漢臺乾坤基帝業將相會
材

可愛陸公子湖山早定居牀餘三尺劍筆自八分書
門枕江流近庭涵海月虛時聞車馬客往往到幽廬

秋夜宿上方山治平寺三首

省歛朝浮櫂逃禪夜入山徑通雙浦細門掩萬松閒
洗鉢龍猶伏翻經鶴自還上方知近遠昏黑此躋攀

二

下榻成流憇懸燈坐夜深林疎風落木村迥月傳砧
星入山窓小雲生水殿陰擁衾正愁絕謾擬越鄉吟

秋盡風逾壯山高月易低遙空無鴈過高樹有鷄啼
紺殿松陰合珠壇竹色悽經行吾亦偶不用苦留題

送王履約赴寧波

驛路惜離群尊前忍送君移舟淹別浦把袂悵春雲
折獄才無敵明經世所聞餘閒游翰墨傳玩右將軍

靈巖山覽眺

荒徑倚秋空千年弔故宮琴臺堪一上箭瀆香難通
池在含雲碧花留映水紅尚思環珮轉聲度麝廊風

伍大夫廟

遺廟臨盤水高臺儼故丘
奔吳江上夜覆楚郢城
秋霸業消俱盡江聲咽
不流至今英爽在白馬
海潮頭

虎丘

一名海湧峰

海湧依城近山藏讓寺
雄龍文沉劍氣虎跡起
松風明月諸天近精靈
五夜通千人環坐處說
法憶生公

洞庭山寺夜宿次王太傅韻

路委山藏寺肩輿傍晚
過旛旌懸日月樓殿起
星河澗下泉流細堦前
葉落多辭榮王太傅吟
筆倚松蘿
送袁邦正兼訊令弟永之

萬里春相送承明期獻
書吳門遙望汝漢署杳
愁予步月隨天仗穿花
入禁廬懸知霄漢上兄
弟竝簪裾

送盧職方校文江西兼簡屠文升

最愛盧司馬持衡出漢
庭鳴時非作賦華國本
明經一水浮空去千山
入望青豫章從此夜奎
壁動雙星
至丹陽贈谷嗣興

治邑先江左君今亦剖
符琴中流白雪花外引
朱鳧歲月頻堪問江湖
遠未孤櫂舟多暇日近
載孝廉無
元夜與吳中諸君讌集
張將軍宅內

上元良讌會書閣對將軍燈火輝華月笙歌駐彩雲
開尊元好客抽筆况能文軒蓋多陶謝何辭醉夜分

新髮

白髮誰相喚秋來雙鬢生壯心臨鏡減愁眼傍簪明
爾豈無公道予寧有世情年華侵四十鄧禹笑勲名

月蝕寄任麟石侍御時解綬閑居

既望垣西月何如初出時秋光應忌滿天意杳難期
鏡掩娥誰妬弓張兔自疑世人方共仰好與日爭馳

送傅元功按河西

宵衣西顧日驄馬向涼州隴阪高無極胡雲暗未收
引旂兼出將簪筆可封侯會見黃河水常懸漢月流

懷雪堂卷題贈袁氏

昔賢惇素節卧雪動經旬原憲身非病顏淵道未貧
自應甘隱逸真是脫風塵猶使千年下餘光照後人

聞警

榆塞傳刁斗經年未罷兵竟令青海箭復度白登城
拊髀勞明主征騎選禁營軍中有頗牧萬一早留情

諸將

羽檄飛秦塞兵符出漢宮
嫖姚終服虜魏絳謾和戎
寵錫非今日勲名已上公
天王猶按劍早獻朔方功
墨竹題贈楊夢羽

子雲百世士至性避囂紛
檢篋留玄草開軒對此君
琴書晴自潤風雨靜疑聞
佇看庭階下時應起鳳群

鴈

飄泊塞鴻孤回翔萬里途
聲寒沉鼓角夢遠到江湖
朋侶予方念風霜爾亦紆
上林傳羽獵一札寄清都

上谷秋興三首

斧鉞臨荒塞關河屬暮秋
雲黃遙鴈滅月黑暗螢流
烽火無傳箭烟塵杳上樓
平生弧矢志功豈在封侯

二

曾聞班定遠更數霍嫖姚
虎穴收功駿龍庭轉戰遙
歌傳青海曲捷報紫宸朝
今日轅門將誰能奪虜標

三

笳逐黃沙起鷓盤白草飛
虜騎氈作帳戍苦鐵爲衣
戰骨多應朽遊魂遠未歸
邊城雲晝合寒日淡無輝

憶書

風塵殊未定三月杳音書雲塞堪傳鴈霜臺不受魚
頻搔雙鬢短獨對一燈踈祗有盈觴酒煩紆暫慰予

梅夢紀徵

宛宛梅花瓣連枝掌上生清香浮夜夢春色滿邊城
詎是調羹手方懷種玉情因將三弄曲先寄七絃聲

星見

星見常堂午今年與昨年舜齊惟幹斗楚問欲呼天
彗尾纔西滅旄頭尚北懸 聖朝多感格倘見五珠

聯

桑乾河

杳杳桑乾水霜沉宿霧收卷言去馬邑何日過盧溝
雄撼關雲動清涵塞月流巡行今幾度回首亦并州

八月十二日

去歲當今日生孫喜上京秋風吹使節彌月向關城
鑄鑑嘗徵夢探環擬解行昆吾古臺畔世業是書聲

中秋雲中對月

此夜燕山月孤城亦自圓桂宮曾一上兔杵似今懸
明逼銀河淺清分玉女妍金尊休借問正照漢營前

彭城謾興五首

風塵重攬轡驛路暫維舟
遠道通南服雄圖屬上游
青山還抱郭濁浪欲吞樓
龍戰今常定鷗驚謾未休

二

寶劍曾留地烏騅不逝年
楚王元力屈季札已心懸
古渡沉流水高城倚斷煙
有懷方伏枕無寐欲鳴絃

三

城郭千年在江山百戰餘
徐君無起日彭國竟遺墟
鼓角催舟楫風雲護簡書
經行有詞賦慨歎豈離居

四

山上雲龍望亭攀放鶴回
禹功饒斷石漢業有荒臺
興與幽偏愜囂緣靜不來
雖非謝公賞詎是景侯哀

五

九曲通星宿雙洪跨石梁
懸流噴日月競渡戒舟航
常擬蛟龍鬪空憐燕雀翔
無須經灑灑亦足畏瞿唐

贈薛西原二首

海內聞吾子中園獨著書
邈回鳴鳳羽偃仰卧龍廬
與物心無競游情日晏如
條然抱玄覽聊復賦閒居

二
種藥園沙砌開渠傍石田相如今謝病楊子自談玄
逶徑行穿竹臨池坐采蓮何年稅塵鞅共結靜中緣

東湖

東湖開泱泱水色淨秋襟謾引滄洲興寧如鷗鷺心
客懷閒自適雲影迥虛沉雅調徵流水予將絃素琴

秋日山亭二首

暑伏將捐扇涼生頗耐衣露清衝鶴下雲白背人飛
元化無停軌浮生未息機坐驚華髮改始覺素心違

二

臺敞凭軒望亭虛轉徑通蟲殼增蟋蟀樹影散梧桐
嘯豈孫登竝悲應宋玉同未辭嬰物累仰愧古人風

七夕二首

七夕坐澄宇清風生竹林靈踪不可見明月迥西沉
感歎情何極徘徊夜易深迢迢一水上又是隔年心

二

荷風香冉冉花露湛微微期是雙星會行應幾日歸
相逢還問夢未別已沾衣是夕明河下偏驚鳥鵲飛

冶父寺

寺僻沿谿入堂虛歷磴遊人天分上界佛日巖中秋
雙劍今何在千金不可求驍騰想俠客揮霍動諸侯
居巢中秋對月

往歲榆城月今年湖上看分明映丹桂彷彿辨青鸞
水闊龍虛抱林疎鵲未安碧空雲盡捲高照海天寒
包城寺十六夜對月

龍象沉金色蟾蜍吐玉輝關山一葉下客路片雲飛
桂似南枝減潮應汐勢非無增湏究竟返照可皈依

過香泉寺

天地調真息陰陽會秘符溫泉留此地暘谷到江湖
鑑影清沉璧翻瀾細迸珠紺雲蒸夜氣甘露滿浮屠
登隋故城觀音閣東徐芝南侍御

東幸無歸日離宮秋草生今登雲閣望返照海霞晴
池曲纔通水臺高尚倚城斷橋明月夜何處聽歌聲
過瓊花觀

仙館開高譙名花失故枝芳華欣賞處蘚石半縈絲
錦纜無消息雲屏杳夢思醉游湏盡日搖落况當時

熙武堂簡呈柳泉中丞

軍壘虛秋苑賓筵敞暮天風塵淨寰海露布到甘泉
清酌懸燈下玄談促席前三軍同燕息莫咏出車篇
冬日送王秋曹赴太平

比部南行日天寒雪欲飛笙歌開祖席旌節引征衣
木落江流穩潮平浦樹稀光塵違屢會相望獨依依
獨山書院奉飲柳泉中丞

枉駕攀熊軾懸燈啓象尊化行鍾子國秋入楚山村
殘菊黃金暗雕盤白玉溫瑤琴在東序流羽謝雍門

梅岡晚隱壽徐封君

冰雪西湖上丰神東閣邊臨風拚勝賞到處入春絃
臭味元相似棲遲豈獨偏春來有繁實已薦御羹筵
冬日同涂水部良翰登文遊臺臺以蘇子瞻
王定國孫莘老秦少游嘗游得名

淮海高城畔登臨霽色開異時懷四子落日對孤臺
霜氣催貂服湖光隱玉杯相逢蒼水使何謝古人才

清江道院簡諸同遊二首

亭幽棲鶴羽水曲隔人家雲引風生葉霜凝露作花

爲尋玄圃客共卧赤城霞歸徑踈林畔西南見月華

二

苔合碁存局池深竹覆亭聽琴凭月宇移燭近雲屏
鼎內金花紫階前瑤草青相攜恣遊賞莫謾擬流萍

鶴臺

巖切棲烏地飄蕭鶴一群最憐明月下清唳向風聞
頂麗丹砂貯衣輕皓雪分自憐仙化羽日望故山雲

園竹

淇澳懷虛遠瀟湘望轉勞清陰消暑氣爽籟滿庭臯

籜覆龍鱗細枝搖鳳尾高王猷休徑入俗客擬粗豪

瓶梅

宮蔬含瓊萼仙姝遲鏡粧一枝移貯水虛閣迥生香
搖落繁霜候歲蕤疊雪芳歲華雖晚殿春色已孤揚

盆山

一簣伊誰覆群峰儼竝橫轉看巖岫上疑有水雲生
子晉吹笙坐麻姑跨鶴行道遙展絃帙恍惚對嵩衡

三月四日子房山閣對雪二首

高閣凭欄望岩堯接故豐徑當芳草入雪復暮雲同

帶雨迷黃石迴風掩赤松筵前春色在瓶杏一枝紅

二

風色侵華蓋巖容換紫芝詎知白雪興翻與晚春期
山失成龍氣臺移戲馬時倘非近霑醉客鬢旋生絲

漂母祠

楚市多豪俠王孫誰爲哀千金能報母大將况登臺
古塚侵沙沒荒祠向水開往來負劍客瞻望幾遲迴

歌風臺

楚澤斷蛇去秦原逐鹿過重來湯沐邑醉唱大風歌

世遠翠華杳秋深芳草多浮雲暮不止悵望意如何

濟上聞仲兄訃對張兄

隔歲家空憶歸途爾爲攜解顏纔一笑洒淚却雙啼
棣萼霜何苦鴿原日易低非君能逆遠誰慰濟州西
扈駕回次沙河李園讌集

靜與春芳適閑耽野興賒移尊仍藉艸歌帽故依花
暫遠鳴鑿地初旋傍斗槎星輝搖不定醉眼即吾家

湖上

龍艦移中苑霓旌接御堤總看春色麗却在帝城

西鷗白輕相逐蒲青弱未齊昆明殊漢武䟽鑿到蒸
黎

宣武門左讌集和答許廷議

直閣臨初夏開筵集二難花叢移促席瓜蔓轉欵冠
織月當尊小明河覆座寬追隨奮鵬羽向笑一枝安

井陘道中雨行

迢遞經恒野崎嶇薄井陘晚風吹雨過山色入雲青
車路愁方軌旗亭可建瓴太行真地險擬勒北山銘

韓信廟

帶礪山河在風雲世代移淒涼烹狗語飄渺弋鴻思
日慘煙常合林深響易悲空山陰雨夕疑復見旌旗

重陽次日讌河汾書院二首

周雅稱多士河汾簡衆材籍聯桂枝占尊接菊花開
晴日移歌席輕雲覆講臺所歡文運協非復重啣盃

二

文字秋仍飲笙歌暮謾傳佳辰元昨日雅會亦前年
絳帳筵相映黃花燭竝懸宛然分鴈序玆重庶鳴篇

黃葉

黃葉那堪掃蕭蕭山木踈旅遊值搖落燕坐杳愁予
風急驚龍管雲長滯鴈書但憐秋日好適意負暄餘

寄戴屏石

戴聖耽經術遺文究萬篇轉箴瞻魏闕攬轡下秦川
舊著金沙賦今歌玉井蓮盈盈間一水北斗思空懸

寄李憲副五瑞

重會京華日只今三載餘相逢謾杯酒一別滯音書
杜曲花迎旆周原鳳引車揮毫多麗藻肯讓漢相如
十月望日貢院武試對月

舊眈樓仍直重來月倍明清華帶霜雪寒色滿山城
獵擬長楊賦屯非細柳營中天懸寶鏡文陣正縱橫

松子嶺

松嶺度寒曛真穿虎豹群太行窮地紀上黨拂天文
千里中原隘三河下界分雙旌颭飛鳥縹緲入層雲

曉發沁陽

歲暮亦云已驅馳方自今無朋孤燭夜多事萬方心
積雪緣山嶠橫煙隔浦林迢遙仍獨往寒色滿塵襟

紫崑

驅車紫崑下崑色換征衣寒水虛相映朝霞晴與飛
仙芝湏細辯靈鳥故常依似入天台路脩梁度采薇

迎春日作

明星猶燦夜彩杖忽分春迢遞皇華使蹉跎滄海身
鄉心偏繫客書信不逢人婉孌青陽色相撩謾太頻

長平驛

賈魯名空著公衙變故莊松聲虛振閣山色冷侵牆
畫戟今零落瑤琴亦杳茫年年雙燕子依舊傍雕梁

自聞喜至夏縣

三晉驅車徧迢迢汾水東朝經虞舜井暮過禹王宮
柳色當春變山形與舊同願言歌蟋蟀千載見唐風

同何瑞山登海光樓用壁間韻

隔歲相逢處高樓竝倚時池花翻白玉盤菜饌青絲
才笑今逾拙心憐舊總癡春杯湏醉把明日有離思

望王官谷

未入王官谷空懸處士棲山川亂春草巖穴阻丹梯
靈境臨岐杳仙源入望迷曾聞碧泉水常掛草堂西

河東道中

蒲坂水仍抱首陽山故連重華不可見孤竹轉堪憐
暖色薰楊柳春聲換杜鵑河流日滾滾萬丈禹門前

春兩二首

河上榮光散却看春兩來輕雲忽自裊尊酒爲誰開
物色寒猶斂鄉心靜轉摧忍將萬里眼更上九層臺

二

縹緲凌晨亂蕭條向夜聞燈花青共落壺漏杳難分
怨調流商軫離思入楚雲但添芳草色轉散碧鑪薰

后土祠

春雨汾陰道秋風漢帝辭蛟螭上苔蘚龍隼失旌旗
雲薄虛沉水煙寒靜裊絲佳人今不見感慨亦當時

龍門四首

太乙盤元氣洪流遏鯨功天吳常九首星野一孤蓬
山斷懸河下源分積石東至今歌禹德明祀萬方同

二

細草連秦甸輕湍瀉晉沙痕圓上楊柳浪疊沸桃花
玉女支機石靈源傍斗槎擬隨張博望啣尾擢青霞

三

卷之三十一
星海通銀漢天津隔玉門幾時離西域九折下中原
日月互流轉煙雲紛吐吞眼看雙赤鯉龍化到崑崙

四

殿古盤蒼檜樓高接絳霄險疑巫峽水喧似浙江潮
鳳鳥吹笙引馮夷擊鼓招漢京如可見雙闕鬱岧峣

途中逢景蒲津楊舜原贈言二首

弭節邀揚縮兼程候景差人皆欽雅度我久避詞華
負弩經粉社開尊及杏花懸知蒲坂側雙繫木蘭槎

二

西楚多名郡南徐舊帝都一江雙建鉞千里各懸符
匡嶽風生樹維揚玉映湖聞君本中表竝羨見雄圖

冷泉關寺

寺古棲靈石關高度冷泉可知性火在不向客心然
石檻朱欄遶銀瓶素綆牽相如多肺病暫借上方眠

二

最愛寒泉水常依老衲家湛雲沉貝葉蒸露浥金沙
倦倚祇園樹清餐乳竇花六塵應盡洗去駕白牛車

柳絮

飄飄楊白花客路惜春華醉憶吳姬館吟憐謝女家
帶泥依燕壘傍嶼占鷗沙莫作浮萍草東西趨水斜

寄答王巖潭

巷接勞相訪途長思獨牽殞星余燕石切玉爾龍泉
宦達重遷秩書回又隔年西征多贈略時拂遶朝鞭

五日晉苑泛舟

蒲艾爭蒼蒼南風引晝長筵臨華日敞樹曳錦雲涼
樓閣迴宮陌笙歌接苑牆凌波喧葆吹彩鷁苑中央

婁煩寺

仲夏婁煩寺風光宛似秋地偏連朔野形勝是并州
山鳥鳴笙墮池龍洗鉢收昨宵有雷雨雲氣濕鍾樓

雨後看山東許戶曹

暮雨散無迹南山倚座端層霄開壘巘幽賞見千盤
潤色青堪把清華秀可餐巍巍伯牙志一曲爲君彈

立秋

夜半西風入涼雲滿晉樓蟬聲帶秋響螢火傍宵流
已抱張翰興能禁宋玉愁年華浪拋擲歸思繞滄洲

雨後中秋對月

孤城今夜月秋色淨金波寒引關山闊清懸砧杵多
桂蒼高下葉榆白細橫柯戎馬無傳箭予堪達曙歌

過陶村

雲卧北窓上瑤琴止一絃孤松獨撫處五柳自成篇
人是羲皇世編存甲子年脫巾時漉酒但醉菊花前

開先寺

雙樹臺池在三車兵燹餘山開猶梵榜泉繞自僧居
雲裏尋瑤草苔前認石書無須增轉語法界本空虛

乘月江行夜泊白沙驛

大江去不極朗月亦東流虛白涵天地清寒犯斗牛
水精擎壁獻龍女弄珠游杳杳滄洲夜悠然見驛樓

吉州至日二首

日御迴黃道星槎近赤方履長頻作客憶遠罷升堂
泚氣浮寒水丹霞啓夕陽梅花消息好開擬嶺雲傍

二

暖律吹葭管清歌動竹枝向離經楚域建子對周時
途遠隨雙劍形勞問五芝塵踪成獨往陽長慰吾私

渡十八灘二首

亂流日南度逆浪泛風沙舟轉江浮葉灘洄石激花
十年曾日下萬里復天涯頗覺南中勝還憐奉使槎

二

舟楫緣灘瀨川原紀驛亭一江贛水綠兩岸楚峰青
博望通夷嶠君平認客星支機石應近五色動虛溟
夜泊石潭寺

石潭深不極靈刹晚相依明月中湖滿浮雲遠樹微
已逢鳴磬侶真傍釣魚磯留滯江南客歸心向此飛
穀原詩集卷之三上終

穀原詩集卷之三下


濮陽蘇祐著

五言律詩

瑞州迎春日作

春日簇春盤青回細菜看官踪真作客文印濫登壇
旋覺琴音潤仍憐劍氣寒還因曝背意極目向長安
候館見梅漫興

素質耽幽壑鉛華謝豔姿襟期誰汝共况味爾吾師
玉篴何相妬瑤琴已受知臨風三嗅立車馬故移時



P₂

渡鄱湖二首

南紀緣江介重湖蘊地靈十洲連貝闕萬寶秘金庭
天勢圍同碧雲容漾轉青辛勤懷四載飄泊寄孤舲

二

氣薄衡廬潤波涵翼軫搖三江同貢賦九派異風潮
似接秦皇島應連漢武橋石華如可拾乘月坐吹簫

別館即事呈寮友諸公二首

晴旭苦炎暄塵編坐自翻蟬聲切雲響螢火竝星繁
捲此幽深館寧忘慷慨言招尋想仙侶咫尺阻華軒

辛丑元日對雨二首

南國春城暗朝來見雨飛頌花寒不減歌鳳意多違
漸覺容顏改常憐書信稀百年今已半猶自不知非

二

江雨鳴還止江雲低復斜應風先茁草融雪不成花
謾惜淹官序寧知閱歲華炎蒸襲水土天地可爲家

立春日弋陽邸內試燈

霽景散風塵春回物候新雲疑寒釀雨月解晚隨人
彩杖迎陽淺織歌度夜頻憐予太潦倒三對試燈辰

元宵對雪

風雪夜漫漫江城燈火寒自添黃竹與誰醺紫姑壇
雲幕懸瑤瑟星橋倚玉鞍狂歌今且醉淒斷夢長安
李進士子安使滇蜀還雨中過訪上藍寺留
飲同兩熊貢士覽詠贈言二首

細雨濕金沙禪房一徑斜喜逢天北使近轉日南車
蜀國蠶蟲叢路滇池博望槎聞君話形勝霑灑送流霞

二

閒適真如境虛空不礙心雲來還弄影風會各成音

花氣侵簾細鑪煙佐酒深瑤篇慰流覽暝色下高林

七夕

鵲橋歸竟夜牛渚別經年轉覺銀河遠翻憎玉貌妍
霓裳渡窈窕雲路杳風煙扶木瑤華曙傷心秋水邊
再入東林寺同陶廖羅三子

散步臨流水披襟送落暉重來亦偶到一笑已忘歸
雲白棲龍象苔蒼染衲衣無生如可學願采北山薇

登滕王閣四首

高閣俯微茫凭欄覽四荒浦雲棲畫棋山月落雕梁

尊底牙樞集天中羽蓋張
逡巡搃彩筆雄藻謝三王

二

倚檻悲塵界停杯起浩歌
淳風散墟里斜日下山阿
鴈去天邊盡煙浮水上多
登臨偏送客更柰別愁何

三

杳杳餘霞落盈盈返照孤
天疑浮遠樹沙信斷平蕪
曠覽非詞客狂歌詎酒徒
行藏君莫問踪跡半江湖

四

坐久澹無慮悠然示月生
踈星雜漁火繁露濕江城

向夕橫燕望今宵習楚聲
因憐竹枝好翻作豫章行

晚宿豐安莊寺

紫衲幾僧在蒼苔雙樹陰
晚來重問訊寒色正蕭森
日落梵煙暝風飄林葉深
懸燈對虛寂禪榻夜沉沉

宣威堂避暑簡方益齋閑即

幕府絕囂紛相將坐夕曛
葛纖疑灑雪花爛欲蒸雲
寶燾分棋局瑤琴引劍文
言懷舞雩興共訪右將軍

送楊胥江僉憲考績北上三首

久客懷歸路離筵鴈復鳴
愁心若江水日夜亦東征

雲引吳天杳波涵楚樹明把杯無限意併入權歌聲

二

一別含香省憐君報政過歧予滯江漢經歲望星河
興入滄浪遠愁添白髮多如隨廊時祀好寄秦壇歌

三

迢遞閭門路透迤星紀周有懷頻入夢新思澹生秋
野曠胥臺出風恬震澤流知君幾載酒深渡百花洲

贈荅一山王孫

大雅希轍久斯文諒在茲洽聞吳季札麗藻魏陳思

白玉擣唼管黃金裊樹枝陽春如有作應寄郢中詞

用韻荅王生汝敬

稍轉竟誰料無營默自誇猶堪如尹鐸不是去長沙
瑚璉懷宗器風塵傍鼓笳千年龍劍氣重見識張華

五臺山行雜興四首

群山紛迤邐先上最高臺三百六十寺洽迴相向開
鍾磬鶯竝轉塔影月初來重以風塵念幽懷不可裁

二

春事餘多少茲行亦壯遊五郎溝自斷七寶樹常留

風力因山勁，谿聲帶雪流。棧門窺法藏，深閉水西頭。

三

危石倚清涼，紅塵隔上方。山深春草短，禪定幻形忘。
雲葉開金象，天花獻寶坊。世人那可住，浩劫本空王。

四

竹林凭險絕，山木澹清華。抱膝無穿草，翻經有墜花。
春雲流石洞，夜雨濕金沙。塵想翛然盡，歸依大士家。

春暮即事

多事日經營，風塵白髮生。一叅行省政，三入代州城。

青草寒猶短，浮雲晚故平。中宵雄劍動，慷慨起孤征。

塞下曲四首

烽火照雲中，分兵下大同。材官六郡長，劍客五原雄。
笛弄關山月，旗翻瀚海風。向來孤矢志，不負遠臨戎。

二

萬里會兵符，將軍捋虎鬚。關高臨倒馬，谷隘指飛狐。
河外三城戍，山前八陣圖。照天傳砲火，刻日破東胡。

三

邊地柳條新，征人淚滿巾。封侯非骨象，出塞任風塵。

卷之三十一
七
繡甲擐三屬琯弓挽六鈞還看馳露布一夜達楓宸

四

八月已飛霜雲寒古戰場秦城高關塞漢受左賢王
獵火分營壘鏡歌入 帝鄉笛中楊柳曲哀怨減伊
涼

塞城七夕

共乞穿鍼夕誰憐倚杆心流霞催結帶零露助沾襟
關塞孤城迥星河此夜陰迢迢天漢上亦有白頭吟

寄李武川憲使

十年君不見相對塞城秋再拜移時語重來竟日留
秦官曾柱史漢制亦諸侯無使班都護專轂瀚海頭

晚坐

萬木蕭蕭裏庭陰夕漸收雀誼偏傍晚鴈度已驚秋
落日秦城外悲笳瀚海頭明珠懷好在肯暗向人投

曉行

戒曉雙旌嬾雞聲動塞城具裝方結束劍氣早縱橫
霜雜輕塵滿煙浮遠樹平寄言遊俠者不是少年行

塞上病懷

拊劍歌初罷攤書枕竝支夢多心緒亂役久歲華移
嬾慢詩無草衰遲鬢有絲中山叢桂樹又負白雲期
大井溝簡答張南墅年兄

邂逅邊隅晚蕭條霜露侵戰塵行處少落木坐來深
諸將防秋地孤邨薄暮心殷勤一尊酒須伴爾同斟

春日忻口道中

迤邐關南道春征尚苦寒連天沙漠漠落日雪漫漫
風色催貂暗星文拭劍看年來頻道路總是爲樓蘭

崞縣春夜卧雪

關雲不作雨飛雪滿重城烽火何時定功名爲爾輕
韶華侵早艷夜色度虛明卧想中園草池塘幾處生

鴈門送常少叅赴河南二首

邊城楊柳樹折贈柰春何草短含沙淺雲黃近塞多
把杯殊造次立馬各蹉跎京洛繁華地何時許竝過

二

欲去深園客追隨幾度春出車新戰壘避馬舊行塵
虜騎憑陵地河橋悵別辰共思談劍侶好訪抱關人

立秋日初度

百歲懸弧日孤城量服時玄龍不可繫白帝豈予期
寒入元關塞衰從已鬢絲將憑歸鴈翼好寄出車詩

邊報訊諸將

次第雲州信憑陵胡騎秋風轂上羽檄星彩指旄頭
虎竹符曾剖龍沙地可收乘時諸將士唾手取封侯

謝南池李僕卿惠扇

蜀箋傳迢遞輕鮮錦不如風隨雲葉卷星傍月華舒
幽興流班賦閒情想晉書只今相贈意珍重比雙魚

落葉二首

山木穉寒宵年華迥莫招虬形驚畫瘦鶴夢醒無聊
遶砌隨風走敲簾學雨飄古來秋興客楚賦最蕭條

二

自是衰榮理休憐搖落時嗚猿深尚怯宿鳥近須疑
地切清陰減天高朔氣吹上林珠樹好却有萬年枝

榆關十六夜對月簡諸同遊

既望城頭月清光似昔圓杵遲懸不下輪側望疑偏
醉眼關山上高樓霜露邊無端橫吹起客思各悽然

乍醒

乍醒迴更析新寒擁芰荷啼鷄隔巷杳諠雀傍簷多
卧想猶殘夢行唵謾短歌西樓月半沒曙色逼星河
不寐

不寐應誰語多懷轉自嗔霜憐偏耐客月妬巧窺人
莊舄孤唵夜張衡四望辰明朝清鏡裏白髮幾莖新
獨酌口號

兀坐謾招嗔東隣麴大夫醉鄉先世業繡佛舊門徒
曾識春風面同傾夜月壺陶然形迹遠歸卧影相扶
湯媪

嬾賦班姬扇寧當卓氏壚熱中原不妬履下可能汗
召屢承温旨休應假沐符雖當專夕地無媿妾羅敷

竹姬

冰簟宵征薦瑤琴雅御同肌膚誰秀潤性格爾玲瓏
夢轉芸窓月涼生蕙帳風向憐隨帝子灑淚楚江東

覽王摩詰山水圖

善畫憐摩詰清遊對輞川毫端雲氣煖壁上水聲懸
北斗城應近南山路轉連菱歌時按拍定有曲江船

關巡雜詠十首

攬轡沿邊郡川原暑氣深前驅分負弩諸將總如林
斜日招搖麗高雲巘嶼陰出車聞六月賦詠豈于今

二

團扇搖輕羽綸巾岍阜紗人非諸葛侶鄉是子龍家
車賦催頻劇關河度轉賒雙旌報飛將馳騎背人斜

三

靈曜西飛急昔賢安在哉水環燕社去山對趙宮開
白玉增新市黃金圮舊臺悲歌問遺俗頗牧倘歸來

四

玉帛趨群望冠儀儼上公地形幽薊迥祀典岱嵩同
飛石誣虞制宗壇表宋功肅瞻憶雲朔氣勢本來通

五

倒馬關逾峻盤紆度險艱諸峰迴巖業亂水瀉潺湲
戍古凭巖立垣長接塞還宋臣遺跡在插石箭痕斑

六

迢遞浮圖峪飛狐險至今千巘盤地軸一徑入雲岑
石墮晴雷轉林深午日陰尚聞戎馬黠比歲此侵尋

七

斜日四山暝奔雲萬馬過雷聲咤鼙鼓雨勢走江河
懸壁翻濤下連峰亂靄多將軍依大樹沾灑把琯戈

八

荆蔓緣山僻松花滿日鮮當關憐鎖鑰曳屐賸攀緣
日下東瞻近雲中西望偏控弦諸將士敵愾異它年

九

晚叱龍泉馭宵期鷲嶺棲徑真穿虎豹旌忽裊雲霓
燈火燃愁燼風雷去不迷誰憐習池侶醉唱白鞞鞞

十

黍稌連阡陌占年慰此遊麥風迎蓋拂槐雨抱簷流
夜氣消殘暑邊聲靜早秋論功應有日先拜富民侯

寄陳澹泉二首

弱冠心相契百年金石期君身常似鶴余髻亦成絲
秋雨聯牀夕晨星把臂時最憐東省讌同聽鹿鳴詩

二

襟抱原瀟灑行藏亦孝廉誰言陳仲子却似晉陶潛
業有遺經續官無賸產添相逢對春酒良夜坐厭厭

中秋晚陰旣而見月二首

今夕關城月誰排闥闔雲清光忽半墮秋色正平分
虛鑿河山影寒侵星斗文坐看丹桂樹風送細香聞

二

徙倚瞻瑤闕歲蕤風露微氣深螢自伏輪滿兔初肥
白帝遵商陸青娥御羽衣明河清更淺携手可同歸

完縣有作

壯哉非昔縣遺跡儼仍留十月燕霜落千秋唐水流
伊耆猶表氏曲逆故封侯試訪門前轍誰多長者儔

再經唐河

沙岸浩如銀重來杳未真灘洄分燕尾洲起散龍鱗
衰草寒煙外疎林野水濱堯封已千載遺俗至今淳

贈龔性之還鎮江

春伴朝正客飄飄下紫雲專城猶暫借雙闕更遙分
政羨流吳詠騷深逼楚文他鄉清夜酌契闊此逢君

讀史感懷三首

鑒往悲陳迹千年侶匪遙事機牽制失氣勢坐談銷
大典須前憲彌文豈后標翻憐賈生淚自灑漢文朝

二

議激疑忠憤機深似老成厲階休作梗直道未終傾
謹論東京重清談西晉輕靜言懷邃古哲士有遺榮

三

言念龍驤士殊存豹隱姿宣尼回晉日李耳去秦時
殷著三風誠周歌十月詩迢迢江漢上亦有鹿門期

故關覽眺

故關望不極懸戍入雲躋六月邊聲迫層城暑氣淒
屏燕新鎖鑰通晉舊輪蹄珍重增兵意承平乍鼓鼙

寄答劉白石

相會愜良晤分攜望轉賒已憐才冠世况是賦成家
暑伏秋蟬響雲回晚雷斜想同襟抱在側憶幾烏紗

贈別許高洛

雅談殊不厭飛旆杳難攀誰念周南客言辭漢闕間
秋風吹劍珮白露滿河關想慰東人望遙從濮水還

寄近山傅侍御

闊別時何易還吹閭闔風蒼鷹方厲節驄馬正行空
宛轉叢臺北迢迢漳水東停雲日在眼音翰若為通

寄趙龍巖

海上報書來朝天使未回轉因瞻闕意翻重倚廬哀
淚盡摧秋草心傷到夜臺應知遺訓在萬里強須裁

萬壽聖節易州有作

玄鳥降祥期蒼龍望闕時東朝方視膳北斗永爲卮
錄獻千秋鑑歌稱萬壽詩小臣行役處瞻拜極恩私

寄萬青之且邀北上

問訊京華路纔看尺五天南雲應自送北斗正同懸
夜氣浮玄嶽秋雲冷碧田遲君聽過鴈莫負菊花前

中秋簡謝陳曾二部使

把酒高臺上青天片月流予行還幾日相對復中秋
風笛催羌管霜砧滿塞州征人方苦戰莫照黑山頭

陳水部招同曾度支山亭讌毗

物候中山異風濤萬樹鳴招隨蒼水使來聽碧泉轂
川上秋雲薄林端晚照明還邀曾計府崖石共題名
自成晉歷九原原平崞縣雨不絕

關河曠所之塵路苦驅馳何意霓旌度常疑陰雨期
一方憂旱日六月出車時謾擬東山賦農祥喜在茲
過甘莊下視鴈代諸山有作

極目川原徧雙眉紫翠間水光全貼地嵐氣半沉山
白鳥雲邊沒青驪樹杪還伯牙琴興劇何日乞身閒

松風

靜坐發清聽悠然滿北堂不知聲自起竟使意難忘
瀟灑橫枝下飄飄偃蓋傍端居生爽豁琴瑟杳虛張

九日玄岡道中遇雪

佳節兼行役陰陰雨雪期轉牽竹葉興况是菊花時
密灑衝南鴈微凝阻北枝偏憐秋色裏點綴髻如絲

甘菊

甘菊麗秋光僊經貯古方候時殊百草殿歲絕群芳
細葉含風翠繁花浥露香願言日采掇何謝紫金霜

寄奉谷少岱兼簡徐子

謝病江城宰結廬泉水邊山川憐契闊音翰慰聯翩
彩筆當年夢玄文近日傳自逢徐孺子高榻解曾懸
懷寄張南墅

天畔張開府秋來誰共攜四愁新賦詠三捷舊封題
草斷秦關遠雲連隴樹低賜環應在眼心逐夕陽西

閏九日獨酌

最愛重陽候仍逢九日天風高
轂萬籟月閨魄雙弦
赤實猶堪佩黃花益可憐
歲華成荏苒獨酌塞城前

正月晦日雪中過魏侍御

微霰灑春城飄飄近蓋輕
知時莫盡落應候柳初榮
客訪青驄跡歌停白雪聲
王猷情不淺逸興坐來生

寒食二首

節序催寒食翻憐風雨多
莓苔依砌上鶯燕背人過
觸目太無賴羈懷可若何
南山招隱曲吟望杳煙蘿

二

宅鄉百五候風雨喚愁生
遙引松楸夢空深水竹情
煙輕縈碧樹雲冷結重城
謾折青門柳徒添白髮明

三月三日

上巳懷辛巳傷心失怙年
忍看曲水讌重感蓼莪篇
百歲徒終慕三春祗自憐
此時瞻故國寸草亦悽然

宿阻胡堡

覽勝非今日窮探更此遊
晚陰沉翰海朔氣薄雲州
烽斷千山夕槎迴八月秋
有人占紫氣今夜斗邊浮

宿威胡堡

星倚天街北地連河水東悲笳催蟋蟀長劍拂崆峒
樓櫓黃雲合關山白露通叮嚀問諸將挾纊倘相同
雙溝墩晚眺

草木當搖落山川望杳哉地形偏北下斗柄直西迴
列戍浮雲外雙溝斷磧隈登臨堪歷數今上最高臺

丫角山

膏沐凋風色雙鬟倚暮天飛蓬搔首日化石望夫年
梳月釵飄燕盤雲髻拂蟬自傷秋水影心落玉臺前

紫驪馬

琯勒赤茸鞞彎弓控紫驪嘶風沙苑夕奔電柳營秋
脯抹臨天廐床登近御溝由來龍種異須向大宛求

寶劍行

寶劍礪干將韜衣玉具裝白虹宵貫斗紫電曉含霜
五色呈秦客三金獻越王鹿盧須自把庶以備非常
河汾書院招飲簡翠巖道長

千古河汾地笙歌金石流招隨驄馬使共醉碧瓊甌
月影移東閣鍾聲起北樓不辭歸路晚迢遞話防秋
冬日 晉王燕喜內殿殊煖花果敷垂黃侍

御辭將出按因同賦詩

別殿笙歌奏華筵煖似春清尊隨帝子寒日儷花神
地近牽牛渚期逢鳴鳳辰玉驄有遠道把袂共逡巡

二

搖落玄陰候離宮珠樹開天潢連太乙地脉接蓬萊
賓洽談碁竝杯深投矢催梁園堪獻賦積雪尚皚皚

端居

麗景催韶序端居玩物華青回全茁草香吐欲開花
日晷遲遲上風旌裊裊斜坐深聞谷鳥春滿萬人家

奉和翠巖食石片魚之作

細愛銀絲膾香添琬液筵謾追遊藻詠欲續化芹篇
鄭校憐真給荆臣泣早捐自珍石片小何羨武陽鮮
貢院讌集因談往夢翠巖有作次韻以謝

張燈開夕譔緩帶續春遊十載掄才地雙珠報夢秋
龍銜星似貫鳳吐月如甌泰運關文運朱衣諒與謀
東臺譔叙即事

時平寡紛劇良晤接春卮歌度高臺敞陰疑弱草滋
晚風初撼樹疎雨忽垂絲明日東城陌鷓鴣滿綠枝

奉送黃翠巖出塞

春草寒猶短，霜旌遠勞軍。行瞻秦塹雪，佇戀晉祠雲。
能事須兼武，雄圖雅屬文。饒歌新入調，候騎日相聞。
再上鴈門

宵征一何劇，遠道赴前期。霽雨餘寒色，韶華已暮時。
山涵積凍雪，花發向陽枝。路草離離去，塵心有所思。
西岡題贈內姪陳生和甫二首

縱情靡所好，雅志在閑居。禮曹近通籍，芸窓還著書。
臨流撫瑤軫，何日赴公車。窈窕西岡上，青山對結廬。

二

伊予尚玄晏，結綬四遐征。茲覩躬耕地，言牽高卧情。
任人題鳳字，堪我絆鷗盟。始知巢許輩，翛然塵慮輕。
北城謾送沈都督

城迥臨初夏，攀留共舉杯。鴈門連斥堠，雉堞儼樓臺。
地極重關險，風從萬里來。醉歌堪自慰，正倚出群才。
曉渡汾水將赴晉祠告成

蕭鼓渡方舟，旌旗夾岸浮。山明汾曲曉，雲白晉祠秋。
桐葉飄宮井，蘋花薦酒甌。願言崇報祀，不是重遨遊。

太原臺中即事

返照橫煙暮高臺發興頻輕雲將作雨殘暑故隨人
座擁新秋色城依古水濱晚涼風更起獨岸小烏巾
邑中諸大夫邀護晉溪太傅別墅

懸甕山前路乘輶雨後來嘉禾歌萬寶崇構上孤臺
饌熟香秔入堂深綠野開昇平原有象共醉紫霞杯

望東莊柬高憲副

跂望東莊近幽深似輞川平田白鷺下曲徑綠雲連
避俗林和靖談經漢服虔懸車何太早應戀此林泉

贈潘春谷少叅

潘安千載上吾子接芳華白雪今詞客朱衣舊法家
遊秦方岳重卧晉歲時賒擬著閒居賦無令早鬢花

贈張南垌度支

改服辭臺史持籌入計曹未酬南國志誰念左司勞
驄馬歸來早滄洲偃卧高寥寥張仲蔚門掩半蓬蒿
贈李西峪僉憲

天王南狩日官府備官儀詎使鳩爲理翻令鳳見欺
九重違北闕三徑老東籬未許排雲叫空傷具錦詩

陪祀永陵

翊聖功常在遊僊夢未歸
載驚玄燧改重念紫宮違
露氣悽明殿鑪煙遶綴衣
鷄鳴今夜月壇樹迥餘暉
遊九龍池

池水開丹地源泉噴九龍
暗浮東澗藻晴蘸北山峯
日月垂宸翰風雲護御松
十年臺史日扈蹕幸相從

春享陪祀

清廟晨初啓新陽煖自分
青回東觀草紅綻北宮雲
禁漏三更徹僊韶九奏聞
瑞華靄春色縹緲注鑪薰

立春日雪

東風吹朔雪入夜滿長安
忽謾楊花過飄蕭蕙草寒
燕醪傾自得郢曲和應難
紫陌春遊客清輝擁騎看
元夕過隆福寺

精舍依城陌來遊已昔年
載弘東度偈曾施內粧錢
清梵流雙樹名香徹九天
千燈輝自照夜夜吐青蓮
省中春日

帷幄陪樞府韶鈴忝佩刀
上春秦月令東省夏官曹
曩日遲遲度晴雲冉冉高
委蛇歌退食虛薄豈知勞

送李伯承還新喻

謂帝春風裏雙鳧回望新關河通梓里星斗下楓宸
路遶匡山色舟橫楚水春金門供奉客遲爾謫仙人
送張崇質尹東光

尺五天南路重經郭隗臺王畿得茂宰科目有遺才
地屬滄瀛會城當驛路開歲時朝北斗還引赤鳧來

送張彥亨令海鹽

綰綬辭燕闕分符向越城郎官原應宿詞客舊知名
岸草過春歇江雲入夏生操刀知善割佇報政毅成

送劉進士子旭督餉南還

逢君塞垣下朔風吹鍔衣言足三軍食還指大河歸
題柱情多感籌邊願未違天王念行役四牡早駢駢

送從子守毅令上蔡

爾拜淮西令余提塞上軍相逢懸墨綬不遇歎青雲
沙擁河流淺春晴樹色分行行須努力爲政好音聞

冬日過飲外氏贈諸內弟四首

貳室經年外肩輿載爲過酒斟新釀蒲菊綴宿枝多
相對情無厭頻來意若何寒宵深不寐五噫謾成歌

二
衰白非當日門楣似昔年
庶車還共輓鳳管正相連
自是青門叟休猜陸地僊
朱陳今不忝契誼况諸賢

三
爲篤如賓侶深懷玉鏡臺
乘龍非自許結駟並歸來
樂奏高筵啓燈懸舊館開
丈人石不朽想像幾徘徊

四
重枉招邀數相期笑語真
夜深月似晝懽洽座生春
皓髮堪歸漢淳風侶避秦
願言共來往常岍老綸巾

暮春高甥園賞花遇雪二首

草滿芳堤路名園得賞心
酒從嬌客飲雪入暮春陰
柳絮飛相雜梨花坐並深
醉來揮彩筆先續郢中吟

二

爛熳荆花樹初看火欲然
轉隨東郭履翻詠北風篇
蔡琰還朝日王嬙出塞年
無須輕傅粉寒壓錦貂蟬
送客過北城園

年來覺踈懶竟日不尋芳
有約邀山簡隨緣看海棠
地偏苔入徑歲久樹爲牆
宴坐忘歸路春郊晝轉長

東韻賞花

林屋幸多暇又及賞花辰送酒香浮棧凭欄春映人
清酣眉乍蹙紅暈臉初勻莫厭歌金縷宮粧朶朶新
南宅內牡丹

載啓花朝讌中樓錦瑟張高才非李白異品有姚黃
日映踈踈景風傳冉冉香言承環膝喜春在頷孫堂
初夏恰容園賞芍藥

耽酒那辭酒留春忽送春花枝還照眼茅屋恰容人
徑草侵沙軟園蔬着雨新鷓鴣棲止處亦自遠紅塵

文陽精舍卷題贈胡弘甫

江上開精舍飄飄出世情爾多點也興予有喟然聲
伐木鶯初轉研硃露自清無須慕大隱霄漢待縱橫
送李連山奉母上京并簡北山符臺

秋水潦方平迢遙賦北征鴈來寒氣早鵲噪晚風清
千里歡承母三年遂省兄羨君雙彩袖對舞鳳凰城

圖

朝圖
藏書

卷之三

三

